



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2525/11
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		29-02-2012	
Organizaciona jedinica	Klasifikaciona oznaka	Redni broj	Broj priloga
02-50-6-16-7/11			

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslantica u Domu naroda Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja izaslancima.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2525/11
Sarajevo, 23.2.2012. godine

Nermína Kapetanović, delegat u Domu naroda Parlamentarne skupštine Bosne i Hercegovine, na 7. sjednici Doma naroda održanoj 01. decembra 2011. godine, postavila je sljedeće delegatsko pitanje:

„Šta je konkretno uradio Ured za veterinarstvo Bosne i Hercegovine prema Mapi puta za uspostavljanje funkcionalnog sistema za označavanje životinja u Bosni i Hercegovini u skladu s EU standardima, kao nosilac aktivnosti na:

Izmjeni kaznenih odredaba Zakona o veterinarstvu BiH;

Izradi novog softvera za označavanje i registraciju kretanja Životinja;

Provođenju informativne kampanje;

Jačanju kapaciteta u Agenciji za označavanje životinja BiH zapošljavanjem potrebnog stručnog kadra?“

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo sljedeći

ODGOVOR

U proteklom periodu nisu se pripremale izmjene i dopune Zakona o veterinarstvu u Bosni i Hercegovini („Službeni glasnik BiH“ broj 34/02) u dijelu koji se odnosi na njegove kaznene odredbe sa obzirom da nije jasno usaglašen model njegovog potpunog usklađivanja sa EU zakonodavstvom, odnosno da li usklađivati isti uz predlaganje izmjena i dopuna ili krenuti u pripremu novog Zakona o veterinarstvu.

Novi softver za označavanje i registraciju životinja u Bosni i Hercegovini treba da obuhvati četiri životinjske vrste i to goveda, ovce, koze i svinje. Dizajn novog softvera je urađen od strane stručnog konsultanta u 2011. godini, čime su stvoreni preduslovi za dalju realizaciju istog. S tim u vezi, putem kreditnih sredstava Svjetske banke kroz Poljoprivredno razvojni projekat ARDP, obezbjeđena su potrebna sredstva i pokrenuta je tenderska procedura za izbor ponuđača koji bi trebalo da izradi poseban, namjenski, aplikativni novi softver za Agenciju za obilježavanje životinja Bosne i Hercegovine. Tenderska procedura treba da se završi do kraja januara 2012. godine, nakon čega bi trebala da uslijedi realizacija i puna implementacija novog softvera u 2012. godini.

Informativna kampanja za sistem identifikacije i kontrole kretanja životinja nikada nije sprovedena do kraja iz razloga nedostataka sredstava prilikom imlementacije prvobitnog, odnosno sadašnjeg informacionog sistema. Novu informativnu kampanju u vezi sa novim softverom i izmjenama i novinama koje on donosi moguće je raditi tek nakon završetka aktivnosti izrade novog softvera. Smatramo da će za ovu neophodnu aktivnost biti dovoljno sredstava iz ARDP projekta ili budžetskih sredstava, jer vjerujemo da bez kvalitetne informativne i edukativne kampanje neće biti moguće u potpunosti i na kvalitetan način implementirati novi sistem identifikacije i kontrole kretanja životinja. Agencija za obilježavanje životinja kontinuirano u direktnim kontaktima sa svim involviranim subjektima u sistemu identifikacije i kontrole kretanja životinja, a u sklopu svog redovnog posla i prema svojim mogućnostima, vrši edukaciju i upoznavanje sa svim elementima postojećeg sistema.

Ured za veterinarstvo Bosne i Hercegovine svjesno je postojanja izvjesnih potreba Agencije za obilježavanje životinja za stručnim kadrom. Stoga je putem ugovora o djelu u 2011. godini obezbjeđena podrška kvalitetnog stručnjaka-inženjera za informacione tehnologije. U prijedlogu izmjena Pravilnika o unutrašnjoj organizaciji Ureda za veterinarstvo Bosne i Hercegovine, odnosno novoj sistematizaciji Ureda za veterinarstvo, koji je upućen Vijeću ministara Bosne i Hercegovine na usvajanje, predviđeno je jedno novo radno mjesto upravo za inženjera za informacione tehnologije-informatičara. Ovim bi se kapacitet Agencije u informatičkom segmentu značajno ojačao, jer je najveća potreba Agencije za označavanje za stručnim kvalitetnim kadrom upravo izražena na polju informacionih tehnologija.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2525/11
Sarajevo, 24.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	27-02-2012	
Organizaciona jedinica	Klasifikaciona oznaka	Radni broj
02-50-6-	16-7/11	

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslantica u Domu naroda Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja izaslancima.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2525/11
Sarajevo, 23.2.2012. godine

Nermina Kapetanović, delegat u Domu naroda Parlamentarne skupštine Bosne i Hercegovine, na 7. sjednici Doma naroda održanoj 01.12.2011. godine, postavila je slijedeće delegatsko pitanje:

„Zašto se veliki broj osoba kojima je izrečena sudska presuda izdržavanje kazne zatvora slobodno kreće ulicama BiH s obzirom da to utiče na povećanje izvršenja krivičnih djela“.

Na postavljeno pitanje, Vijeće ministara Bosne i Hercegovine, na 2. sjednici održanoj 23. 2. 2012. godine, utvrdilo je sljedeći

ODGOVOR

Zatvorski sistem u Bosni i Hercegovini podijeljen je na zatvorski sistem na državnom nivou i na zatvorske sisteme na nivou entiteta, Federacije BiH i Republike Srpske, uz napomenu da Brčko Distrikt BiH nema zatvora, nego osuđeničke upućuje u zatvore u nadležnosti Federacije BiH i Republike Srpske, te ima osnovanu pritvorsku jedinicu kapaciteta 40 pritvorenika.

Bosna i Hercegovina u svojoj organizacijskoj strukturi ima osnovanu Pritvorsku jedinicu na državnom nivou, kapaciteta 20 pritvorenika, s tim da nema izgrađenog zatvora iz kog razloga se osuđena lica na osnovu odluke Suda BiH upućuju na izdržavanje kazne zatvora u zatvorske institucije entiteta. U toku je izgradnja Državnog zatvora, čije se stavljanje u funkciju očekuje početkom 2013. godine, i isti je projektovan za smještaj ukupno 350 lica, od čega je predviđeno 300 mjesta za osuđena lica i 50 mjesta za pritvorenike.

Federacija BiH i Republika Srpska imaju ukupno 13 zatvorskih ustanova, od toga Federacija BiH 7 ustanova (Sarajevo, Zenica, Tuzla, Mostar, Bihać, Busovača i Orašje), a Republika Srpska 6 ustanova (Istočno Sarajevo, Banjaluka, Foča, Trebinje, Doboj i Bijeljina). Ukupni kapaciteti zavoda u Federaciji iznose 1553 mjesta, a trenutne potrebe s obzirom na broj osuđenih lica iznose oko 2700 mjesta, pa se tako u Federaciji BiH ukazuje nedostatak za smještaj oko 1000 do 1200 osuđenih lica. U Republici Srpskoj ukupni zatvorski kapaciteti iznose 1085 mjesta, s tim da je trenutno stanje takvo da Republika Srpska ima višak smještajnih kapaciteta za oko 100 do 150 mjesta.

Problem nedostatka zatvorskih kapaciteta u Bosni i Hercegovini u narednom periodu nastojat će se riješiti izgradnjom državnog zatvora, tako da osuđena lica od strane Suda BiH od 2013. godine neće opterećivati smještajne kapacitete zavoda u entitetima. Uzme li se u obzir činjenica da godišnje više od 175 lica izdržava kaznu zatvora ili izvršava mjeru pritvora u zavodima entiteta, uz napomenu da je od 01.03.2003. godine Sud BiH u zavode entiteta uputio na izdržavanje kazne zatvora 313 lica i kada se ima u vidu da u prosjeku godišnje oko 90 lica stalno izvršava mjeru pritvora, opravdanost izgradnje državnog zatvora je neupitna.

Takođe, rješavanje tog pitanja zahtijeva preduzimanje dodatnih mjera na poboljšanje stanja smještajnih kapaciteta u zavodima entiteta, uz napomenu da je Federacija BiH već u međuvremenu izgradnjom novih objekata ili njihovom adaptacijom i dogradnjom proširila kapacitete za oko 317 novih zatvorskih mjesta, a Republika Srpska za oko 170 zatvorskih mjesta.

Ministarstvo pravde Republike Srpske je u 2011. godini dodatno povećalo svoje zatvorske kapacitete u Kazneno-popravnom zavodu Foča sa 54 nova zatvorska mjesta, i to izgradnjom

novog Odjeljenja za smještaj visokorizičnih lica, te u Kazнено-popravnom zavodu Banjaluka je otvoreno novoizgrađeno posebno Odjeljenje visoke sigurnosti za smještaj visokorizičnih lica lišenih slobode sa ukupno 65 novih zatvorskih mjesta, tako da je Republika Srpska sa ranije povećanih 170 zatvorskih mjesta, dodatno povećala svoje kapacitete za 119 zatvorskih mjesta što sve ukupno iznosi 289 novih zatvorskih mjesta.

Prema tome, zatvorski kapaciteti Republike Srpske u 2009. godini iznosili su ukupno 1085 zatvorskih mjesta, što sa dodatnih 289 iznosi 1374 mjesta, tako da RS ima višak smještajnih kapaciteta u prosjeku za oko 100-150 zatvorenika odnosno pritvorenika.

Ranije su u Republici Srpskoj povećani kapaciteti u Kazнено-popravnom zavodu Banjaluka za 8 mjesta, zatim otvoren je Vaspitno popravni dom za maloljetnike u Banjaluci kapaciteta 40 mjesta, te je otvoreno Odjeljenje za izvršenje kazne maloljetničkog zatvora pri Kazнено-popravnom zavodu Istočno Sarajevo kapaciteta oko 40 mjesta.

Treba naglasiti da je iseljenjem jednog broja institucija koje su se nalazile u iznajmljenim prostorima Kazнено-popravnog zavoda Istočno Sarajevo, otvorena mogućnost proširenja smještajnog kapaciteta za osuđena i pritvorena lica, te je izvršena je rekonstrukcija pritvora sa njegovim potrebnim sadržajima i uređenjem pritvorskih prostorija, renovirano je 9 prostorija kapaciteta 45 pritvorenih lica. Istovremeno, u Okružnom zatvoru Doboj, u toku su radovi na nadogradnji sprata čime se objekat uvećava za 500 kvadratnih metara prostora čime se stvaraju uslovi za povećanje smještajnog kapaciteta sa 120 na 188 mjesta (120 osuđenih i 68 pritvorenih lica).

U Federaciji Bosne i Hercegovine ukupni zatvorski kapaciteti iznosili su 1553 mjesta, s tim da su u međuvremenu preduzimate određene aktivnosti od strane Federalnog ministarstva pravde u cilju povećanja zatvorskih kapaciteta u Federaciji BiH i to, u Kazнено-popravnom zavodu Busovača izgrađen novi objekat sa 60 mjesta, u Kazнено-popravnom zavodu Orašje izgrađen je novi objekat sa 60 mjesta, u Kazнено-popravnom zavodu Tuzla izgrađen je novi objekat u Kozluku kapaciteta oko 100 novih mjesta, u Kazнено-popravnom zavodu Zenica izgrađen novi poseban Odjel za visokorizične osobe kapaciteta novih 40 mjesta, u Kazнено-popravnom zavodu Zenica izgrađen je i novi medicinski odjel koji može primiti oko 40 zatvorenika kojima je potrebna medicinska terapija za vrijeme izdržavanja kazne zatvora, u Odjeljenju Ustikolna koje radi pri Kazнено-popravnom zavodu Sarajevo prošireni su zatvorski kapaciteti za novih 60 mjesta i u Kazнено-popravnom zavodu Mostar povećani su smještajni kapaciteti za novih 25 mjesta.

S obzirom na navedeno, u Federaciji BiH od 2009. do 2011. godine povećani su zatvorski kapaciteti za oko 385 mjesta. Federalno ministarstvo pravde je u saradnji s upravama kazнено-popravnih zavoda uspjelo povećati ukupne smještajne kapacitete u kazнено-popravnim zavodima za više od 30%. Ovo povećanje kapaciteta postignuto je prenamjenom i adaptiranjem postojećih objekata i istodobnim aktiviranjem novih objekata, primjerice na Kozlovcu (Tuzla), u Orašju i Ustikolini (Sarajevo). U Federaciji BiH nedostaje ukupno oko 1200 zatvorskih mjesta, pa kada se uzme u obzir da su zatvorski kapaciteti povećani za 385 mjesta, to znači da u Federaciji BiH trenutno nedostaje oko 700 novih zatvorskih mjesta.

Navedenu situaciju Federacija je pokušala poboljšati i izmjenama i dopunama Krivičnog zakona Federacije BiH (Službene novine FBiH, broj: 42/11), tako što je uvela novu krivičnu sankciju za lica osuđena na kaznu zatvora do jedne godine „Kućni zatvor sa elektronskim nadzorom“, koja bi trebala smanjiti trenutnu prenatrpanost kazнено-popravnih zavoda u Federaciji, iz razloga što je u strukturi izrečenih sudskih presuda oko 80% presuda kojima je osuđenim izrečena kazna do jedne godine zatvora, a koja lica čekaju da stupe na izdržavanje kazne i koja se ne mogu blagovremeno slati na izvršavanje kazne zbog prenatrpanosti kapaciteta u zatvorima Federacije BiH. Takođe, Federalno Ministarstvo pravde preduzima odgovarajuće aktivnosti oko budućeg lociranja objekta za smještaj maloljetnih lica prema kojima su izrečene vaspitne mjere ili kazna maloljetničkog zatvora.

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2525-5/11
Sarajevo, 15. 6. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20.06.2012			
Organizaciona jedinica	Klasifikaciona oznaka	Redni broj	Broj priloga
		02-50-6-16-19/12	

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine je na 10. sjednici održanoj 12. 6. 2012. godine utvrdilo Odgovor na pitanje koje je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U pravitku prosljeđujemo Odgovor radi njegova dostavljanja izaslanici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2525-5/11
Sarajevo, 15. 6. 2012. godine

Nermina Kapetanović, poslanica u Domu naroda Parlamentarne skupštine Bosne i Hercegovine, na 7. sjednici Doma naroda održanoj 01.12.2011. godine, postavila je sljedeće poslaničko pitanje:

"Postoji li mogućnost utvrđivanja više od 2 granična prelaza sa Republikom Hrvatskom prije njenog ulaska u EU?"

Na postavljeno pitanje, Vijeće ministara Bosne i Hercegovine je na 10. sjednici održanoj 12. 6. 2012. godine, utvrdilo sljedeći

ODGOVOR

U toku su intenzivni pregovori između predstavnika Bosne i Hercegovine i Republike Hrvatske vezano za reviziju Ugovora o graničnim prelazima i Sporazuma o pograničnom saobraćaju između dvije zemlje. Predviđeno je da oba dokumenta budu potpisana u toku 2012. godine a najkasnije do kraja tekuće godine. Što se tiče potpisivanja Ugovora o graničnim prelazima, on je da tako kažemo, uslovljen dogovorom dvije strane o broju graničnih prelaza između dvije države sa svim inspeksijskim službama, tzv. BIP-ovima. Zvanično je dogovorena uspostava dva granična prelaza sa svim inspeksijskim službama (BIP-a) i to na lokacijama GP Gradiška i GP Bijača. Što se tiče uspostave trećeg BIP-a na lokaciji Izačić-Ličko Petrovo selo, bosanskohercegovačka strana zastupa odluku Vijeća ministara BiH za uspostavu ovog BIP-a, iako hrvatska strana i zvanični Brisel smatraju da su u ovom trenutku dovoljna dva takva prelaza na već dogovorenim lokacijama (Bijača i Gradiška), s obzirom na mali promet robama preko ovog graničnog prelaza. Državna komisija za integrisano upravljanje granicom BiH je zauzela stav da se pored navedenih dva, odnosno tri BIP-a, od Hrvatske strane traže još dodatna tri granična prelaza preko kojih će se izvoziti u Hrvatsku odnosno EU roba biljnog porijekla i na kojima će biti uspostavljena samo fitosanitarna inspekcija i to na sljedećim lokacijama: Županja-Orašje, Vinjani-Gorica i Brgat-Ivanjica. Ovaj stav je dostavljen zvanično Hrvatskoj strani kao stav BiH strane. Rješavanje ovog pitanja je ostavljeno za naredne pregovore te će se konačno rješenje vezano za treći BIP i dodatne granične prelaze samo sa fitosanitarnom inspekcijom posmatrati u kontekstu protoka roba.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2525-1/11
Sarajevo, 27.2.2012. godine

02-50-6

29-02-2012

PARLAMENTARNA SKUPŠTINA BiH

- Dom naroda-

SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	29-02-2012		
Organ zadužen	Klasifikacija	Redni broj	Broj prijema
poslanik	zakona	02-50-6-16-7/M	

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na izaslaničko pitanje koje je postavila Nermina Kapetanović, izaslanica u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslanici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2525-1/11
Sarajevo, 23.2.2012. godine

Dr. Nermina Kapetanović, delegat u Domu naroda Parlamentarne skupštine Bosne i Hercegovine, na 7. sjednici Doma naroda održanoj 01.12.2011. godine, postavila je sljedeće delegatsko pitanje:

„ Zašto Agencija za zaštitu ličnih podataka u BiH nije izričala sankcije za kontinuirano kršenje Zakona o zaštiti ličnih podataka od strane poslodavaca koji od osoba koje učestvuju u konkursnim procedurama traže da uz prijavu za posao dostave uvjerenje o nekažnjavanju? “

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo sljedeći

ODGOVOR

Agencija za zaštitu ličnih podataka u BiH počela je sa radom u Junu mjesecu 2008. godine. Od tada se intenzivno radi na uspostavljanju Agencije u punom kapacitetu u skladu sa njenim nadležnostima. Agencija je, u ovom momentu, postigla određene kapacitete koji joj omogućavaju da izvršava sve poslove i zadatke iz njene nadležnosti od davanja prijedloga i inicijativa za donošenje ili izmjene zakona, inspekcijski nadzori, postupci po prigovorima, stručna mišljanja, vođenje Glavnog registra te novčanog kažnjavanja.

Treba podsjetiti da je zaštita ličnih podataka u Bosni i Hercegovini na neki način novina i da je uspostavljanje Agencije predstavljalo veoma zahtjevan, složen i odgovoran posao. Iznalaženje najboljih i najefikasnijih rješenja, koji svakako moraju biti u skladu sa evropskim standardima, s druge strane predstavljali su i izazov. Agencija je, imajući u vidu činjenicu da se bavi zaštitom ljudskih prava, opredijeljena da profesionalno i hrabro opravda povjerenje koje joj je ukazano.

Agencija je već počela sa kažnjavanjem. Stručni savjetnik za inspekcijski nadzor je, nakon izvršenog vanrednog inspekcijskog nadzora u Federalnom ministarstvu pravde, dana 15.11.2011. godine izdao prekršajni nalog ministru Federalnog ministarstva pravde kao odgovornoj osobi, upravo zbog traženja uvjerenja o nekažnjavanju po Javnom oglasu za imenovanje vještaka na području Federacije Bosne i Hercegovine. Utvrditi i valjano zadokumentovati počinjeni prekršaj je svakako suptilno, zahtjevno, složeno a u našim prilikama i rizično.

Agencija je limitirana prije svega brojem izvršilaca koji se bave inspekcijskim nadzorima, kažnjavanjem, prigovorima i stručnim mišljenjima. Trenutno u Agenciji na ovim poslovima je raspoređeno pet stručnih savjetnika, od kojih su dva nažalost na bolovanju, i jedan viši stručni saradnik za prigovore.

Svjesni smo činjenice da zaštita ličnih podataka u Bosni i Hercegovini treba biti bolja isto kao što smo svjesni nepravde koja proizilazi iz Zakona o platama u institucijama BiH, koji je diskriminirajući, na način da onemogućava pravo na dodatak inspektorima Agencije za razliku od drugih institucija.
Ovu nepravdu Agencija bezuspješno pokušava ispraviti već dvije godine.